

康族世譜

繼以共和分五族統稱為黃帝之留裔溯夫滿清設八旗何莫非白山之遺脈惜朝更曆換旗存之冊檔失修而代遠年湮戶散則丁口難稽矧其水有源兮木有本固宜慎於終若乃春則露兮秋則霜尤須追乎遠也於是宗譜一書不可不修不能不修更不容稍緩於不修者焉唯我滿族赫舍里氏前代久失記載考自有清以來

原始祖隨

清太祖入關功忠於國子孫盈廷迨定鼎後乃分

防各省聯駐八旗慨路遠疎音年深失考矣僅傳述希福巴克什原為滿洲正黃旗人姓赫舍里其祖穆胡睦都督世居圖音額地方後遷白河又遷哈達天命四年努爾哈赤萬曆四十四年紀元天命偕其兄碩色巴克什自哈達來歸博通滿蒙漢文專任

文仕學館奉使科爾沁城冒死復命從征大凌河處疊戰立功崇德

皇太極

元年詔

為弘文院大學士查戶口編牛錄定六部官制修遼金元三史尋以不附睿親王

多爾袞

革職籍其家順治九年復其原官是年十一月病卒年六十有四諡文簡公

贈以太保其兄碩色之長子索尼巴克什天命七年破明兵千餘名拾取錦州銅

以漢文清諭鎮守榛子鎮沙河驛等處遂定永平尋以不附睿親王削其職
二年復授二等精奇尼哈番加正一等伯十八年

世祖即順治不豫召學士

麻勒吉王熙遺草詔並諭以索尼及蘇克薩哈遏必隆鰲拜等四人輔攝朝政康熙六年晉封一等公爵是年七月薨諡文忠後追封赫碩里康王其長子噶布喇乃

孝誠仁皇后

即康熙之后

之父也任正領侍衛內大臣世襲一等公三子索

額圖仕至保和殿大學士惟次子未詳傳聞爲索奈公其吾始祖卡宜

譯音康

奇郎

是否卽爲索奈公之後頗資疑問謹識卡奇郎出兵遼東娶瓜爾佳氏生子有五

長次絕嗣五子花子出繼富氏三子達什巴四子招里其後人分爲兩大支派前

後投駐鳳凰城分歸正黃正白等二旗註策由是以先祖名之譯音爲姓氏故鳳

邑除赫氏外而有康氏者蓋自此始因而此兩宗派卽奉以康奇郎爲始祖墳葬

遼陽潤溪溝二世祖達什巴墳在鳳邊門二世祖招里仍葬潤溪溝祖塋其次死

葬生居星散各處不及備載今已傳至十三世矣第以片言舉盛同胞竟瑞慶七

男而其三口察哈爾萬殊無肯歸一本雖同族有非同姓原本豆其同根而同姓或

而易其姓舉凡赫舍里不拘誰氏俱同宗族如是吾族大枝繁支分派別或留守
京師護衛抑分發外省駐防及撥往奉天又分駐各城實在漫無稽查無憑編纂
同譜然則本城正白一旗業於前清光緒五年曾將赫舍里罕都將軍窪爾達所
遺之族派除已另立赫氏譜書各分統系外詎有我康氏一族原隸遼陽洲溪溝
城昂堡吉洞峪上馬屯阿金溝並瀋陽撫順千金堡鳳屬湯沟煖窩棚康家堡子
鳳邊門城門口古城裏長嶺子後屯老爺廟河東西小山後及後遷吉黑省邊外
圍場等處雖居處亦棋佈星羅而調查宜考今稽古况乎祖宗雖云遠昭穆序有
尊卑若夫骨肉不知親情義轉同陌路乃每測其原而溯其委恨無安人協助特
嫌挂漏貽譏茲畧就於疏以及於親幸有諸君贊成藉免噎食之誚故不論官商
仕庶允那管顯隱存亡謹此按輩以編修俾萬戶千門長幼殊難失序爰擬命名
爲標準集六言四句承祧克使不紊須知孔孟一家本支則百世常昭無非名排
一字雖謂顏曾兩姓遺型至今日宛在究屬事非兩歧因就十有三傳特定二十

四字其字謂文玉尙榮恩桂 延昌爾基之會 兆民稔格家箴 萬世祚綿
粹

此由文字起首現已佔字有九但願一輩萬人悉遵字列諸希遠支近派皆按次
排從此情益睦而益親脈通血統之系而後誼彌敦而彌篤感應胞與爲懷若是
孝悌明人倫正誠莫如修此世譜爲愈也夫族譜之重猶日月之經天江河之行
地歷萬世而不可朽滅亙萬古而弗克消磨者矣余也浮沉宦海久矣離別家山
俾增丁或去戶不知兼武官而文事不講今幸賴我 運普弟跋涉各鄉調查三
月 宣三弟校對核閱携省付刊始創成我康氏世系之圖考名之曰康族存亡
世譜尙望其晚輩不時賡續重編更期諸後生萬代相繼無替倘能填篋叶律五
族視若同胞不分畛域爭權共和胡爲結黨是誠余所舞蹈歡迎且又翹企祝盼
者耳是爲序

中華民國十一年壬戌荷夏族人康仕隱六十年前原名明良字乃廣謹識於古

葆純國粹

世葆純國

一本族之康字乃係平聲最吉慶之字故命名選字極易然五族共和此後名多上冠姓氏似應擇取仄聲字爲名或一平一仄亦可如名姓三字俱屬平聲特嫌音啞族晚不可不知

一吾族先前之名多未一致茲就恩桂兩輩比較凡明(城門口)德(馬嶺子)景(上馬屯)

萬(煖窩鋪)等字與恩字同輩又祥(城門口)多(煖窩鋪)景(長嶺子)桂(上馬屯)等字與

桂字同輩但此桂字有上下用之分輩幸未差而景字因居處距遠乃確屬兩輩未免混淆故亟應整頓者此乃一大原因

一吾族赫姓隸正白旗者已專立譜書選有二十八字曰德承吉林貴崇榮英明景會集麟清忠良維國安全志世守純貞保泰平須知赫族德承吉林等字與康族尙榮恩桂等字輩同餘可類推以防彼此識而不知長幼尊卑致失倫理一本宗族前代功勳失考愧弗克逐細記載茲將近今文武科名旌員鄉宦紳耆

想以侯廣綬之君子

一齊家之道殊屬言易而行難卽此慎終查戶追遠立碑此半年來而人口多識見紛歧若非執事人跋涉肯耐經之營之辛苦不辭任勞任怨終難以觀厥成但除調查旅費川資暨碑册工料印刷等項種種應需化消自宜正用公款另附摺存備考外其如抄錄編纂撰文校對諸事自屬應盡之義務當然不支薪水亦無車馬等費爲此附記勗勉來者

一世譜告成恐諸多疏漏然雖草率猶較諸未經修造之爲愈也是以吾兄弟三人於此功竣之日各撮一影以爲紀念藉現廬山面目並非詡功乃介紹闔族不識者識兼留後世之雪泥鴻爪云爾

信口偶成一絕

兄弟和衷纂譜書考今溯古費工夫支分派別名排字此告功成撮影圖

創修譜書序

且夫國家重綱史之編聖賢有世系之譜凡褒貶前人皆後人殷鑒若夫水源木本追遠慎終尤爲吾人切要之事故族譜之編不容或緩者也廣生也不學僅識文字未求深解記幼時祖父教以滿語曰吾族係滿洲正黃旗人木力占牛录赫舍里哈拉及壯閱祖遺統系表始知我先祖康奇郎墓在遼界澗溪溝阿英納墓在吉洞峪併悉各支先人墓地於前清光緒三十二年春廣親至澗溪溝吉洞峪兩塋祭掃觀我祖康奇郎之墓荒草離離塚形僅存觸景傷情奮發修理之志奈家道式微不克如願常與族弟乃文演說先祖遺澤感其助成孝思事未舉而乃文作古遂中輟苦心孤詣猶未能已辛酉八月復來鳳城謁族兄乃庶談及修墓編譜各事彼蓄志已久譜書弁序早脫稿因族衆散居苦無調查之人廣毅然任之本年正月先在老爺廟街招集附近各村族中代表磋商不惟承認且慨然助捐當捐川資三十六元由撫順遼陽按戶查寫兼募捐款旋至澗溪溝修墓祖塋建碑俾昭立石春則繪收圖附近尚有祭田二畝現存大照牌麻

屯澗溪溝族人悉知之諏吉殺牲爲文如禮致祭用告成功四月十六日返鳳卽
將戶口列冊繪圖編纂之惜城昂堡老坎當年未立碑碣不知魏其太爺墓在何
處次序不明實爲憾事務望後人於先祖墓前悉立誌銘爲代遠年湮有所考焉
廣本能力棉薄幸得同志相助合族贊襄十余年心願今已觀成寧不慶歟第事
屬創舉難免遺漏尙冀後起秀者繼續編纂使吾族本支百世永昭不朽有厚望
焉謹識

中華民國十一年孟秋念四日廬四可賓館運普德廣謹識

廣本能力
棉薄幸得
同志相助
合族贊襄
十余年心
願今已觀
成寧不慶
歟第事屬
創舉難免
遺漏尙冀
後起秀者
繼續編纂
使吾族本
支百世永
昭不朽有
厚望焉謹
識

康氏族譜序

余友康君宣三自撰族譜既竟索序於余余以義不容辭乃弁其端曰古者左史記言右史記事事爲春秋言爲尙書蓋皞皞乎不可尙己若夫譜牒之作雖莫由考其所自始然要當隨有史以俱生是亦史之支與流裔也自有姓氏之分而後有世族自有世族而後有宗支宗支蔓衍慶弔不通殆若秦人視越人之肥瘠膜然不加喜戚於其間則人倫之變將不知伊于胡底矣有識之士欲有以維繫之故爭撰譜牒之書蓋所以重宗系而篤親親意至美也伊考脩書經籍志譜書之著錄者至有三百六十卷嗚呼盛已自唐以降或誣託名人以自重或揄揚先人以鳴高求其記載翔實堪爲信譜者殆渺不可得是亦士君子之恥也孔子曰吾猶及史之闕文也孟子曰盡信書則不如無書譜牒之撰無徵不信苟有所不知宜付闕文之例謂猶見疑於後世吾不信也今康君之族譜雖未敢謂其驟幾於古然導源有自記事不虛一洗託名揄揚之失其庶幾所謂直道而行者乎余故表而出之以爲世之撰族譜者有所考鑒焉是爲序

宮慶亭八十二老人跋

壬戌夏來鳳寓怡安堂趨訪仕隱康君於退省別墅談次出製修譜一序追本溯源收宗合族序尊卑以分遠近俾世世昆仍咸知所自始詎不休歟先生小試宦途見幾而退約仁民愛物之心興本本水源之念出處殊殊其志同其道一也考其先系出長白赫舍里氏之苗裔也自文簡公隨龍入關戰功卓著贈職賜諡聖清獲勳輔襲公封伯歷代有偉人嗣是生齒日繁支派散處於八旗爲望族實北地之名家世遠年湮失考者遵闕文之典鳳山鳴淥始遷者居鼻祖之尊一本萬殊書之譜別親疎而不濫萬殊一本書之譜見本幹所自來運普宣三兩先生或任調查或負校刊既衆擎之易舉復爲德而不孤選字命名作坊表於今日傳賢續輯留花樣於他年宏綱畢列宗法大全先生之志大矣先生之心苦矣顯山左遊人牟平殘喘雖淺言俚語不敢登諸華編而樂善附驥頓自忘夫藏拙

友末宮之顯謹跋

康氏譜書序

我康族系出滿洲赫舍里氏其先不可得而詳後世之散居鳳城遼瀋撫順海龍
西豐雙城等處者又漫漶難稽誠非所以重親親之道也本年春族兄連普乃廣
兩君有感於此慨然有纂次譜書之提議一任調查一任編輯筆路藍縷其難可
知已規模略備爰以校對之役屬 德峻 夫校對族譜非第是正文字而已也凡吾
族之祖先出自何人宗支衍爲何派親疏遠近之別行輩長幼之判以及隱宦之
典型里居之遷徙均須網羅靡遺釐剔不索方足以召來禩而資觀感 德峻 學殖
荒落頻年外游所有耳目之所及關於吾族名宦節孝之大軼事軼聞之故詎克
盡得其詳乎惟是大輅推輪何能美備所望吾族明達之士進而匡正之補苴之
庶親親之誼於以益篤也是爲序

中華民國十一年歲次壬戌吉月康德峻謹識

考吾族近代雖不乏名士而利第終不多覩其以武職起家者尙屬不尠至於鄉型孝子節婦賢淑女流諸輩舉凡所知猶堪記載者亦未便湮沒藉以列述概畧於左以供全族後生之借鏡

◎ 科甲仕宦

銘新字挹塵原名多輔字翼臣世居煖窩舖光緒甲午恩科舉人敏而好學寫作俱佳性率真尙謙和中年教讀甲午後因墾辦圍荒繫身遂就奉天而家焉其父

文哲布字保廷係本城正黃旗領催正額委官長於騎射惜挑選校政共二十二次未償奪標之願其生前頗以爲憾其子

書年字稔豐係盛京禮部讀祝官經前督趙次帥考取仕學館嗣改併法政三年畢業法學淵博惟其性放蕩歷任直隸豐潤及本省西豐等縣承審員惜年齡未滿四旬父子相繼物故

榮安字鳳山廿載鷄窗工純苦讀雖疊經應試僅取入佾生嗣改讀清文考繙譯

亦落榜遂捐納筆帖式補戶部調換本城經察一等卓異奉旨簡放錦州
倉監督惜未三年任滿年五十六歲卒誥授中憲大夫其人樸誠節儉學問
深厚世居城門口捷三公長子

桂鏌字玉堂由兵部郎中賞戴花翎簡放四川保寧府知府嗣丁內艱服滿改放
安徽知府任在候補道其人活潑天機爽快有爲曾記得在任府考時所出
詩文題目類多對句例如文題南容三復白圭而詩題東坡重遊赤壁云云
卽此可徵其風流多才也且率性謙和最重族誼良初次引見在京相
識因其到旅館遍訪同鄉不期而遇爲族人追詢詰家世伊晚一輩以故於
尊卑長幼之節實出於天然之性非僞飾虛情所能爾爾惜其蒞任安徽道
未久在署病故身後蕭條僅有繼子

永惠字迪臣先任禮部員外郎後補郎中彼時聞計請假奔喪扶柩歸省

恩祥原任刑部員外郎乃玉堂之養身父也

桂森字寶書工部員外玉堂之胞兄也

恩慶原任戶部郎中寶書之父也

永錫字嘏臣兵部員外郎改奉文變法裁撤五部改保送知府乃寶書之長子也
以上原籍鳳邊門後屯移居奉天大南關金蛟寺胡同均屬奎星保之後人

◎ 旗員武職 鄉型附

奎星保原任協領從戎僧邸剿擒匪凱旋立功保奏記名簡放副都統歷署副都
統頗有政聲誥封武顯將軍

寶臨泰字捷三原名尙志由領催起家升授復州驍騎校繼升蓋州防禦調補威
遠堡邊門章京三年任滿飭回本任接署蓋州城守尉俟簡放新任交代後
遂辭職歸里由此家稱小康一生謹慎有爲政治輿情七十餘壽終誥授四
品封典世居鳳邊門城門口

榮茂字松軒捷三公第五子也由披甲充尉署兵司專辦司達保奏驍騎校候補
蒙賞五品頂戴俟補授盛京校政調換本城嗣因甲午變亂陷城公罪休致
歸察哈爾效力期滿回籍病故鄉里例贈武德佐騎尉

明良字乃賡係捷三公之四孫胎幼失怙書讀滿漢未成遵叔命先歸尉署戶司
貼寫轉年補馬甲放司率年終得委官嗣復保升六品委官補還原額領催
提升專辦司達庫司總達遵例捐納驍騎校賞戴藍領五品銜相繼補授
盛京正黃旗滿洲第三佐校政兼署世管佐領歷署本旗第一二四等佐及
正白等旗佐領迨旗制變更考入奉天自治最優等畢業充任調查期滿回
籍襄辦警察歷充區官股員等差日擊政局時艱官雖未裁俸已久停故實
行歸隱現竟更名康仕隱字壽民清季共逢加三級紀錄七次

德峻字宣三世居長嶺子自幼讀書嗣歸旗學騎射尉署練公文未償其願恰
值國體變更曾畢業於中央警察專門奉天分校及鳳凰廳自治研究所嗣
投入警察開辦之時代襄辦文牘相繼任巡記書記等長轉升四區區官復
調換三區詎該區匪黨充斥夙稱難治乃到差數月寬猛兼濟而著名竊盜
無不聞風遠颺於是全區士紳爭送匾額多數不及備載因而口碑載道上
峰嘉其能許其功遂擢升本城警務長任差二三年來全境人民增幸福保